

修訂日期: 2004/10/21 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 20, No. 1168A

原始資料: 蕭鎮國大德提供, 北美某大德提供

No. 1168A [No. 1167]

佛說大乘八大曼拏羅經

西天譯經三藏朝散大夫試光祿卿明教大師臣法賢奉 詔譯

如是我聞。一時佛在補陀落迦山聖觀自在菩薩宮中。有無數百千俱胝那由他菩薩恭敬圍繞。爾時會中有一菩薩名寶藏月光。即從座起偏袒右肩。右膝著地合掌向佛。而白佛言世尊如來應供正等覺。今有所問願佛慈愍斷我疑惑。

爾時世尊告寶藏月光菩薩摩訶薩言。汝今問我樂聞之法。是義云何當為汝說。時寶藏月光菩薩摩訶薩。聞佛語已而白佛言。世尊若有善男子善女人。欲作八大曼拏羅。云何受持恭敬供養。佛言善哉善哉。若有善男子善女人。於此八大曼拏羅。依法受持恭敬供養。有大功德出生智慧利益無量。乃至三際眾生。皆得成就無等正智。善男子汝今諦聽。當為汝說此八大曼拏羅。具八大菩薩根本心大明。若常持誦恭敬供養。所有五逆重罪。一切諸惡悉皆除滅。而能成就無上勝義。大明白。

唵(引)摩賀(引)尾囉娑嚩(二合引)賀(引一)

此是佛心大明。安曼拏羅中心。誦此大明獻佛供養。

復次聖觀自在菩薩心大明曰。

唵(引)紇哩(二合)賀鉢捺摩(二合)室哩(二合)曳娑嚩(二合引)賀(引一)

慈氏菩薩心大明曰。

唵(引)囉尼娑嚩(二合引)賀(引一)

虛空藏菩薩心大明曰。

阿譏哩婆(二合引)野娑嚩(二合引)賀(引一)

普賢菩薩心大明曰。

莎紇哩(二合)惹野娑嚩(二合引)賀(引一)

金剛手菩薩心大明曰。

俱尾囉娑嚩(二合引)賀(引一)

曼殊室哩菩薩心大明曰。

室哩(二合引)暗囉伽娑嚩(二合引)賀(引一)

除蓋障菩薩心大明曰。

儺娑囉嚩娑嚩(二合引)賀(引一)

地藏菩薩心大明曰。

叱賀(引)囉娑嚩(二合引)賀(引一)

如是八大菩薩根本心大明。作如來曼拏羅。若有善男子善女人。於此曼拏羅依法受持。志心持誦根本大明。彼人速得成就阿耨多羅三藐三菩提。

佛說大乘八大曼拏羅經